



忠愍公詩集卷中

春日登樓懷歸

高樓聊引望杳杳一川平
遠水無人渡孤舟盡日橫
荒村生斷靄深樹語流鶯
舊業遙清渭沉思忽自驚

秋思

秋氣動天地恍然情未窮
故園應墜葉昨夜又西風
白草侵危堞寒濤接遠空
搢頤當此景無

語夕陽中

再歸秦川

阮路何方盡西歸興未勞
河流經陝狹山色入秦高
返照明秋壘孤村接暮濤
還如丁令至故里滿蓬蒿

秋夜獨書勉詩友

西風驚萬木危坐思悠哉
故國經年別秋鴻半夜來
人應多弃善天豈不怜才
休學嚴夫子荒

涼老釣臺

長安書事

一從洛邑移秦甸三見東郊綻早梅
蓮府晝閑鈴閣閉柳營春暖射堂開
齋壇首冠慙諸將相印兼管接上台
何事燕公輕仗鉞却言分閫是麤才

重陽登高偶作

務閑留上客佳節值重陽
旨酒浮仙菊清歌遶

忠思詩集
三五
畫梁高城明落日疎樹覺微霜且盡登臨興餘
歡尚未忘

塞上

春風千里動榆塞雪方休晚角數聲起交河水
未流征人臨迥磧歸鴈別滄州我欲思投筆期
封定遠侯

寓居有懷時年十四歲

疎林頻落葉孤僻繼離騷獨坐聞鴻遠閑吟見

月高夢回更自永思苦夜何勞寂寂西郊內披
衣聽海濤

重到進公院

伍年重到支公院物態人情盡不同唯有寒檉
暗秋色依然蟬噪夕陽中

野步

幽景恣追尋遲遲傍柳陰靜思非世務孤立是
閑心村迥遙峯出溪明返照侵片沙招野步白

鷺伴高吟積雨迴塘漲微晴疊翠深春鳩鳴古
寺煙草入平林迸筍行無定飛花勢不禁凝然
客亭上鄉思獨沉沉

秋日原上

蕭蕭古原上景物感離腸遠嶠收殘雨寒林帶
夕陽溪聲迷竹韻野色混秋光吟罷還西望平
沙起鴈行

江上晚望懷所知

遲遲迷遠信閑立六江隅遊子在何處秋風吹
五湖潮迴沙鳥聚岸闊釣舡孤歸去還堪嘆田
園半已蕪

秦中感懷寄江外知己

念子隔江海浩然時已秋蟬鳴關外樹人在水
邊樓髮白猶搜句時清尚旅遊遙思當未夜不
寐向孤舟

水村即事

虛齋臨遠水吟釣度朝晡葦岸秋聲合蒹葭亭鶴
影孤片雲藏疊嶽野燒起寒蕪獨步時吟望離
人隔五湖

暮秋感興

萋萋前期遠窮途一可傷有時聞落葉不語立
殘陽塞草秋先白溪沙晚更光那堪望天末燕
鴈又成行

秋夜感興寄吳順之

耿耿不成寐楚鄉經暮秋故人遙海嶠寒月滿
江樓閉戶生蒼蘚安閑到白頭如何太平日獨
不出汀洲

夜坐有懷寄張士遜

清秋吟更僻况復古亭間少夢蟲聲碎無風樹
影閑月華澄曲沼霜氣滿空山不見張夫子誰
人共往還

送人下第歸吳

忠隱詩集
三十一
鶯老計還失負書歸故鄉杏園無近路澤國有
高堂白鳥迷幽浦寒猿叫夕陽離懷休墮淚春
草正茫茫

秋訪江上友生所居

苔石斗寥落坐來生遠愁故人應罷釣寒葉自
驚秋村隔平沙暝江和暮靄流徘徊不能去此
處有扁舟

冬夜旅思

年少嗟羈旅煙宵未進能江樓千里月雪屋一
龕燈透信憑邊鴈孤吟寄嶽僧爐灰愁擁坐硯
冰半成冰

貽趙少府

夫君何感命拾載困風塵薄宦湏流落孤吟更
苦辛山寒泉易凍邊近草難春珍重常招隱慙
非孟子鄰

春日懷張曙時年十六歲

忠恕言集中 三十九
不見張夫子巖花幾度新
又閑空賦命遠別更傷
春雨艇秋天未煙衰隱
渭濱應嗟年未冠已作
異鄉人

初夏雨中

綠樹新陰暗井桐雜英當
砌墜踈紅重門寂寂
經初夏盡日垂簾細雨中

感興寄蓮嶽一二詩禪友

西風傷遠別前計競成非
芳草此時暮故山何

日歸禪應同雅道貧合長
天機翻憶雲溪伴無
寥對落暉

贈隱士

夫子才名重貧居志未勞
吟當寒夜苦閑到白
頭高心地通禪寂田園
近海濤不知千載後誰
更續離騷

湖上作

極目望南浦望中生遠思
鴈沉芳草渡燒斷夕

陽陂歲月寒萍梗江山念別離猶餘清夜夢暫
與白雲期

有懷

秦川春婉晚漢水路迢遙不待凭危檻離魂已
暗銷

送李生歸秦中

酒闌還執手之子擬歸秦風雪過殘歲山川近
早春久遊詩思苦遠別柳條新後會知何日空

餘淚滿巾

書懷寄韋山人

萬事不關慮孤吟役此生風騷中旨趣山水裏
心情衆木彫寒色空江噴暮聲終期謁君子同
遠綠苔行

閑夜圍碁作

歸山終未遂折桂復何時且共江人約松軒雪
夜碁

紙鷲

碧落秋方靜騰空力尚微清風如可託終共白雲飛

春雨

散亂紫花塢空濛暗柳堤望迴腸已斷何處更鴛啼

夜坐懷故友

西風起窮巷衆木又彫零蕙浦月華白竹窓燈

影青故人難重見鄰笛不堪聽行傍秋池上孤吟對遠星

南陽帝上各賦玉蝴蝶花一絕

堪賞東君造化奇裝成蝴蝶滿纖枝粉融輕翅攢花蘂疑是尋芳未去時

鄴北旅中懷友人

浮世多塵事悠悠難定期夢闌懷遠夜秋盡望鄉時道在應無悶風澆自業詩何當歸釣渚搯

肘一沉思

弔任瓘處士

一生長抱恨終亦是貧居遺信留孤鶴營墳賣
古書竹齋無俗物秋圃有寒蔬福善何言昧悠
然望太虛

秋懷

落日留不住默然空淚零敗莎侵陋巷踈葉滿
閑庭有趣窮風雅無機敵杳冥浮榮安足戀歸

去亂山青

送友生下第南歸

頻頻退禮闈此去欲忘機霄漢貧難達江湖老
獨歸程遙秋浪疊村暝夜燈微應使爲儒者翻
悲苦業非

邊城春望

獨望原西路離襟倍黯然青山遮故國絕塞度
新年風聚沙迷岸煙開燒滿川歸心正無際驃

騎莫留連

草

獨步高原上依依動所思無人尋蕙徑落日滿
江湄楚澤晴芳處秦川晚翠時此中興廢事千
古復誰知

送左眉州之任

分官離法署承命守眉州山館鄰孤寺春城過
亂流江雲長映日蜀魄似悲秋到郡揚清政遺

黎病必瘳

楚江夜懷

西風生遠水蕭颯度吟臺明月夜還滿故人秋
未來寒蛩啼暗壁敗葉下蒼苔誰念空江外年
年首重迴

春日書懷

曾讀前書笑古今耻隨流俗信浮沉終期直道
扶元化敢爲虛名役片心默坐野禽啼書景閉

門官柳長春陰世間事了須先退不待霜毛漸
滿簪

離京日作

離歌豈忍罇前聽別恨無由醉裏消余又不飲酒故有是
句惟有夢魂歸北闕不知京洛路迢迢

夜泊江上

歲暮峽中村維舟古樹根群峯初落日夜後獨
聞猿流水自無盡客愁那可論平明離楚岸迢

遞指吳門

新蟬

寂寂宮槐雨乍晴高枝微帶夕陽明臨風忽起
悲秋思獨聽新蟬第一聲

寄獻廣南許虞部

南國江山五十州星郎從此播芳猷詩窮雅道
皆清唱官重名曹未白頭望斷蠻村煙樹遠吟
殘嶺月海風秋三年政滿迎丹詔諫署重膺仄

席求

送吉上人

新鴻并落葉正逐朔風飛此地仍分首何山是
所歸問程雲棧遠宿館雨燈微莫恨天涯別重
尋志未違

秋夕書懷

官路時風漸識情一悲前計遠愁生深秋寒氣
侵燈影半夜疎林起雨聲縣印終年拘吏役煙

蓑何日避浮名窮通休問並蓮骨大抵無徒是
至清

春郊閑望

風騷高處謝知音公退何妨縱野吟弱柳不能
牽別恨片雲應念識閑心沙平古岸春潮急門
掩殘陽暮草深凝望江臯動幽興數聲鐘磬出

西林

雨中書事

忠隱詩集
一雨起前浦霏微向暮秋誰方眠釣艇我獨在
江樓山晦峯巒隱煙疑島嶼幽何當見晴旭一
得泛迴舟

夜懷寄友生

遙夜獨無趣恍然思故交泉聲飛石壁星影動
林稍志壯難低俗情閑任獻嘲秋山雖入望猶
不似衡茅

秋夜懷歸

背窓寒燭影沉沉楚客鄉思欲不禁板閣漏殘
人自遠水螢光淡夜方深牢愁聞雨眠踈屋歸
夢隨雲徹故林憶着煙村舊風景柿紅時節又
鳴砧

夏夜閑書

雨濛村落野梅黃茅閣長吟水氣涼幽鳥遠聲
來獨樹小荷踈影占前塘閑心終不忘魚釣澹
水真宜習老莊報國自知無世用煙蓑何日臥

清漳

秋興浩然追憶館殿幽致偶成長句寄徐

休學士

輶車南去詠江天閑憶群賢倍黯然御水莎青
孤立鷺宮槐煙冷數聲蟬石渠吏散簾風靜鳳
闕雲歸霽景鮮幽致不知何日共思君唯賦帝
京篇

宿江西寺

獨宿西林夜凝然靜擁袍巫雲秋暝峽楚月冷
生濤沙敗蛩猶噪鄉遙夢亦勞霜風開落葉還
欲續離騷

聞杜宇

曾爲深窅無處雪長年江上哭青春平林雨歇
殘陽後愁殺天涯去國人

巴東寒食

春雨蕭蕭寒食天遠行猶在楚江邊人思故國

忠民詩集
四十八
迷殘照鳥隔深花語斷煙薄宦未能酬壯節良
時空自感流年因循未學陶潛與長見孤雲倍
黯然

春晚書事

春盡江天景寂寥思鄉還共楚雲遙林花經雨
香猶在堤柳無風絮自飄水國獨慙臨縣邑煙
郊爭合負漁樵青梅時節遲歸計且逐餘芳殢
酒瓢

月夜懷故人

清夜月初滿蘇庭吟更幽梧桐踈影老蟋蟀亂
聲秋舊國情何極空江思欲流故人今底處危
坐獨凝愁

和趙瀆監丞贈隱士

不愛簪裾陪盛列終年深隱養天機靜聞風雨
眠漁艇閑稱林泉掛道衣門接水村多野色鶴
當莎徑立殘暉高吟幽賞無羈束始覺趁時事

事非

雨夜書事

離人聽積雨滴滴動鄉心故國程猶遠重門夜
正深氣昏濛燼燭巢冷語棲禽遙想江南岸餘
花委故林

歸州留別傅君

楊柳如絲拂畫橋此中留語欲魂銷還愁別後
巴東館獨聽空江半夜潮

秋晚閑書

吟情自覺都無趣况復離居感物華厭讀群書
尋野徑閑收落葉煮山茶燒殘寒菊花猶在霜
過香橙味轉加因想前期重搔首不堪秋思極
長沙

聞笛

平野人歸後孤城日落時西風聞一笛惆悵憶
桓伊

忠惠詩集 卷之五
縣齋春書十二韻

縣幽無俗事公退只高吟江到荆門闊山連蜀
國深峽雲長映日蠻雨易成霖群雀鳴春院饑
猿叫夜岑庭荒多古木地僻見沙禽印鏤殘陽
後人歸疊翠陰思鄉空索寞素分信浮沉樂靜
稀塵累甘閑負壯心衰容常懶擲病髮豈勝簪
寡欲慵求友訪邪每自箴澆風終耻合前事固
難堪望斷天涯外離魂欲不禁

予頃從穰下移涖河陽洎出中書復領分
陝惟茲二鎮俯接洛都皆山河襟帶之地
也每凭高極望思以詩句狀其物景久而
方成四絕句書于河上亭壁

堤草惹煙連野綠岸花經雨壓枝紅年來多病
辜春醉惆悵河橋酒旆風

蟬鳴日正樹陰濃避暑行吟獨杖筇却愛野雲
無定處水邊容易聳奇峯

忠烈詩集中
五十一
岸閣檣稀浪渺茫獨凭危檻思何長蕭蕭遠樹
踈林外一半秋山帶夕陽

暮天寥落凍雲垂一望危亭欲下遲臨水數村
誰畫得淺山寒雪未銷時

秋夜懷洛下一上人

遊宦忘機久心源亦自澄夜聽吳苑雨秋憶洛
城僧木葉驚棲鳥寒窓暗靜燈何時過竹院一
得問三乘

題花

繁花昨夜香苞裂露裊風吹照野時能與離人
添悵望一時留與子規啼

春望書事

因晴每日向吟臺縱目山城景象開白鳥靜投
沙浦去落花閑逐野泉來客愁已被楊煙染春
色難甘蜀魄催看即流芳無處問但將餘興殫
黃醅

忠惠詩集中
五十一
秋日懷友生

寂寂感離群前期何足云人從秦嶺別蟬向楚
江聞村送孤煙起山空白日曛更逢疎葉落愁
續轉紛紛

春初夜書

水國淹留歲月空雲山東去阻千重欲令遙夜
春愁薄須賴黃醅臘酒濃南浦有潮春柵鏤西
窓無睡怯巖鍾誰家幾點畚田火疑是殘星掛

遠峯

江上

古岸蕭蕭聞去鴈平蕪杳杳更斜暉空江極目
望不盡楓葉半紅人未歸

夜望

南亭閑坐欲忘機望久前村島嶼微數點寒燈
起煙浪江艇應見夜漁歸

送人

客亭殘照裏歌闕獨南行芳草無斷色離人多
別情遠塗方不極長笛更飛聲莫動鄉關念徒
令白髮生

早春

溪水覺暖微函碧山杏經春半吐紅不向此時
拚一醉到頭無計柰春風

寄漳川隱士

志高長說耻鳧趨歲晏園林戀隱居陋巷自落

日南
欽

惜花

深謝暖風傳馥郁長憂夜雨暗催殘黃昏欲放
笙歌散更遶朱欄子細看

微涼

高桐深密間幽篁乳燕聲稀夏日長獨坐水亭
風滿袖世間清景是微涼

帝城秋望

登臨秋向盡千里見王畿過兩山逾翠經霜菊
漸稀平原夕靄起高樹宿禽歸一望關河道空
令詠式微

禁中偶書所懷呈內翰同年同院二學士
朝回內省中默坐對西風秋色澄寒沼朝陽上
古桐龍墀慙近待魚浦憶踈蓬會待酬恩了煙
蓑伴釣翁

新秋

孤吟遶桐砌時節又西風悵望新秋在歡娛往
事空柳條微減翠蓼穗已飄紅正是多傷感仍
將別恨中

春書

年長追遊興漸凋况兼巴峽景蕭蕭閉齋爲謝
楊花到時拂殘書慰寂寥

秋日晚晴池上作

雨歇南山積翠明淡雲消盡遠天晴漪漣不動

忠民詩集
五十五
秋塘靜獨挂寒筇遶岸行

夏日

離心杳杳思遲遲
深院無人柳自垂
日暮長廊聞燕語
輕寒微雨麥秋時

留題郡樓

千里關河一望間
登臨長到夕陽還
欲驅征旆歸朝去
更倚高樓看暮山

青州西樓雨中閑望

海上秋添寂寞情
萬家煙樹暝重城
蕭蕭細雨遙天暮
獨向空樓聞笛聲

中書秋日有懷青社舊遊因書一首

掖垣秋色生鷄樹
忽憶青丘感舊情
曾倚西樓吟暮雨
數峯寒碧遶高城

贈寶上人

重城蕭寺雖留滯
野鶴由來性本閑
寒磬終宵鳴竹院
虛窓盡日對秋山
旋移恠石資吟賞
應

有孤雲共往還自笑紅塵成底事幽期長是負
松間

兩夜許氏第會宿各賦四韻

雨夜銷煩暑林塘向夕幽庭虛惟欠月樹冷欲
生秋河北嗟新別樽前念舊遊若非逢勝會何
以解離憂

水閣夜望書懷

水閣中宵動寥寥起遠思秋風生折葦星彩動

寒池白社孤前約青雲少舊知苦吟空自歎風
雅道由衰

離京作

致君才業本無能戀闕情懷老不勝欲過龍津
重回首腫臃初日上孤稜

洛陽道中感懷

文陛初辭咫尺顏恩深猶綴輔臣班漢庭舊友
彫零盡獨擁雙旌人武關

初到長安書懷

荐承丹詔撫彫殘適值年豐萬井安
舊職尚兼黃閣貴前驅新擁碧油寒
淨冷風竹經宵聽老愛山雲盡日看
魂夢不知關塞外有時猶得到金鑾

遊花巖寺

寺對南山積翠濃水村鷗鷺下遙空
層樓望盡樊川景恨不凭欄煙雨中

寄京北向相公敏中

九萬鵬霄振翼時與君同折月中枝
試思淳化持衡者得到如今更有誰

和向相公見寄

玉殿登科四十年當時交友盡英賢
歲寒唯有君兼我頭白猶持將相權

送轉運梅學士詢巡邊郡四首

悵飲惜離群窮邊去路分雪深山館
夜孤鴈背

忠臣詩集中
卷之八
燈聞

絕塞程方遠窮陰歲欲殘石城歸夢斷隴月照
人寒

水遠沉來信山長疊去愁夜深關月白休凭驛
邊樓

夙駕巡邊徼歸程隔亂山長安花木麗春苑待
君還

春晝偶書

白晝偶成芳草蕪_夕起來幽興有誰知風簾不動
黃鸝語坐見庭花日影移

秋夜懷歸

渭水苔磯阻舊遊夢回空館却疑愁一聲江笛
巴雲暝半夜山風楚樹秋星落古池孤影動燈
搖踈壁冷光幽遲明不昧空搔首蹤跡何由得
狎鷗

憶洛陽

忠烈詩集中
五十九
金谷春來柳自黃
曉煙晴日映宮牆
不堪花下聽歌處
却回長安憶洛陽

那堪風景好
獨上洛陽橋

古歌云金谷園四柳
春四柳春來似舞腰

長安春望感懷

灞岸春波遠
秦川暮雨微
凭高正愁絕
煙樹更斜暉

春晝

午晝花陰靜
春風數蝶飛
坐來生遠思
深院燕

初歸

岐下秋書

碧樹微涼露氣清
感愁懷舊獨含情
西樓月夜明如水
只欠桓伊一笛聲

憶岐下小池

長憶西園清夜景
酒闌無不獨臨池
可憐隴月三更白
誰見紅蕖露滴時

岐下西園秋日書事

忠題詩集中
六十一
務簡群吏散披襟幽興長松篁經晚節蘭菊有
清香水淨澄秋色山高見夕陽身閑心自泰何
必濯滄浪

秋懷

輕雲不動日微陰高樹無風秋色深獨聽暮蟬
臨水坐十年林壑阻歸心

秋

自古名高衆毀歸又應身退是知機林風驚斷

西窓夢一夜愁聲憶翠微

冬日北齋

寒風颯颯響庭槐愛日明窓坐北齋閑憶故山
歸未得舊遊時展認雲崖

秋齋

霽景有誰同遠望秋懷無奈只悲歌雲收遠嶂
凝嵐翠雨歇空庭敗葉多

洛陽有懷故山舊遊

綠鬢年來已漸彫
舊遊芳草路迢迢
山橫遠翠疑歌黛
柳拂輕梢
送弄腰
柔句夢回空有恨
洛城吟斷獨無憀
斜陽更上高樓望
始覺離情一倍饒

憶岐下舊遊

二年岐下假諸侯
事簡民安選勝遊
花寺水村時駐馬
暮天秋雪獨登樓
靜眠鈴閣聞羌笛
閑酌松醪引越甌
別後幾回空有恨
葉飛蟬噪動

離愁

無題

金甲珠襦鏤繡局
杜城殘月葬娥英
春風候館花如雪
空有鶯傳度曲聲

秋日登後樓

遠山重疊故關遙
公退乘閑上麗譙
今日登臨秋思苦
雨荷風葉共蕭蕭

早春

星紀周天運微陽氣候新郊原初度臘梅柳暗
驚春故國無書久孤峯入夢頻年加自多感况
復送歸人

南陽夏日

綠楊陰密覆回廊深院簾垂晝景長人靜獨聞
幽鳥語風來時有異花香世間寵辱皆嘗遍身
外聲名豈足量閑讀南華真味理片心惟只許
蒙莊

夏日有懷

庭樹陰陰夏景遲閑房愁對暮簾垂因思往歲
陪天仗正是瑤池賜宴時

途中作

秋末楚雲端行侵苔蘚斑愁腸不厭酒病眼豈
逢山遠路有時到宦遊無處閑却思清渭北煙
柳掩柴關

喜吉上人至

喜師來訪我幽會興何長清論都無倦鄉愁頓
欲忘疏林秋色暮虛閣水風涼久坐慵言別微
陽下短牆

書黃山館壁

殘日住孤館遲遲行古臺大河連野去白鳥背
城來離恨渾如結鄉心漸欲灰山花半寥落猶
在社前開

巴東驛秋日晚望

楚驛獨閑望山村秋暮天數峯橫夕照一笛起
江舡遺恨須言命冥心漸學禪遲遲未回首深
谷暗寒煙

掩卷

掩卷頻秋望無人共展眉殘陽留古樹白鳥下
寒池簪組心還倦風騷志未衰登臨一長嘆還
失渭川期

巴東書事

鄉思終日有孤淡厭琴樽衆木侵山徑寒江逼
縣門浪沉灘見眷雨過壁生痕憔悴悲蘭蕙因
思楚屈原

池上秋書

虛齋獨語復書空閑對林塘思少同霜葉聲乾
飄夕照露荷香冷泣秋風時平偶作青衫吏心
老渾如白髮翁昨夜渭川歸好夢一舸煙雨打
孤蓬

書懷寄郝監軍

索居終日學忘機深嘆高堂養獨遲自問江村
紆墨綬何當煙浦坐魚磯夢迴渭水秦雲斷望
盡巴山蜀魄飛好恠多才郝夫子道孤俱未及
輕肥

南平驛

心隨流水還鄉國身向青山上屈盤秋夢不成
秋雨細西風一夜客亭寒

悶書

秋憶故鄉魂欲斷
晚臨寒浦思如流
歸來古屋寒燈暗
能較騷人幾處愁

秋寄江上吟僧

掛錫在荆楚
杜門無往還
潮聲到孤寺
月色遍前山
一鴈驚幽思
西風慘病顏
何當重携手
高步白雲間

江上晚望

寒鍾來極浦
古寺隔重巖
斜日搢頤坐
天涯落日帆

金陵懷古

極目望吳甸
野煙凝亂流
夜來榆塞鴈
叫斷石城秋
舊苑荒餘草
平川半古丘
迢迢獨回首
落日一蟬幽

暮春感事

春至又春暮
閑心成古心
花光隨雨薄
草色共

煙深粉蝶稀狂影黃鸝送好音餘芳留不得還
共夕陽沉

秋興

窮秋九月西風高疎林木落聲蕭騷出門長望
無所適唯見空江生暮濤

春日閑望有感

水鄉春氣變新正風物光榮異帝城閑步偶尋
芳草色空林獨聽野鶯聲煙霞未得從幽興吟

賞潛悲減舊情燕麥楊花自摧蕩不知離客困
南征

江上聞鷓鴣

水村煙樹與雲平閑倚孤舟念遠行無奈鄉心
倍寥落殘陽中有鷓鴣聲

醉題

榴花滿瓮撥寒醅痛飲能令百恨開天抵天真
有高超騰騰須入醉鄉來

和趙監丞春江送別

孤舟東去水煙微
久客那堪更送歸
三月江頭春盡日
片帆輕絮共紛飛

送李生二絕句

愛君白髮無羈束
命駕常爲千里遊
一夜春江又迴棹
當時風雨滿汀洲

又

晴色半和行色遠
江頭別來欲何之
數盃酒盡

又南去正是落花春暮時

與詩友會宿

此夕南軒宿論詩
萬慮忘苦吟
秋信近寂坐
漏聲長空靜
燈光暗桐疎
露氣涼幽懷
聊自遣
山色漸蒼蒼

南冠亭秋晚閑望

南冠亭外淡江天
又客登臨更浩然
遠浦秋深
翻白浪
孤山日暮起蒼煙
已嗟異國逢衰節
况

復西風聽亂蟬倦鳥知還雖有意故林無柰隔
秦川

峽中春感

二年窮峽外不見帝城春覽照知年老逢花感
岷頻浮榮何足貴幽別轉難伸終憶歸清渭林
泉卜舊鄰

東歸再經峽口

復命經三峽波瀾極目愁片雲生斷壁孤石礙

中流道路連巴塞風煙接楚立重來登望處因
念昔年遊

江上晚行

秦川不得却歸耕奉詔年來在楚城孤寺殘鍾
催夕照汀洲疎葦送秋聲西風獨起湖山思久
客應知寂寞情野鶴漸無驚弋意對人孤立水
煙平

初秋即事

古邑端居夏景移
炎飈經雨自收威
蓮衰小渚秋光淡
蟬噪平林夕照微
冷句每招江客和
深心終約嶽雲歸
晚涼却近南亭立
獨看沙鷗向浦飛

蓮

數柄疎荷出小池
幽香深謝好風吹
堦來秋氣凝清露
似學湘妃怨九疑

望都雨夜

孤驛蕭條風雨夜
夜深窻竹動秋聲
離魂難成夢
却遶長廊獨自行

成安秋望

八月西風蟬噪時
蕭蕭疎葉已辭枝
煙村物景都無賴
况是登臨有所思

夏日晚涼

微涼天氣似秋期
風觸疎簾影自移
遠夢有時尋水寺
孤吟終日對莎池
笋梢成翠堆輕籜
梅

實翻黃壓嫩枝兀兀騰騰聊自遣此懷深謝野
僧知

輦下書懷

身名長似夢家計盡蕭然旅宦遊梁苑歸心滿
渭川郊原秋變色桑柘晚生煙願得長閑去何
妨老一廛

冬日偶書

戶庭初過雪鳥雀亦聲稀天淡雲容結林寒日

影微虛名何足道前是旋成非簪紱全忘念終
須掃澗扉

巴東縣齋秋書

訟庭終日靜琴鶴亦長閑晚樹生涼吹秋思在
遠山水穿吟閣過苔遶印床斑幸有江雲看何
須卜往還

江行書事

孤棹沿流岸疑懷似舊遊朝雲生嶽頂斜月動

忠愍詩集中 七十一
江流賤節難干世
離心易感秋
因思六朝事
千古有遺愁

題楊氏別墅

門巷枕江濱
疑將俗境分
湖山晴後見
天籟靜中聞
徑僻苔空老
林寒日漸曛
高懷無一事
長歲似孤雲

再到鄴下有感

漳濱勝地昔牢落
晚歲重來恨莫收
極浦寺藏

雲樹老故人
門鑠雨苔秋
煙霄得路輸
時彥泉石忘機阻
舊遊今日重
思昔年事放
懷惟上夕陽樓

成安秋望有懷

年加心地轉如灰
書篋經旬亦懶開
詩句偶吟皆感事
文章無用獨傷才
秋蟬殘韻搖疎樹
夕照寒光下古臺
閑遶岸莎看野水
暗流紅葉不重回

忠烈詩集卷中 七十一
書懷寄唐工部

不才曾忝吾君選紫殿科名志已酬孤立敢言
逾素分高吟深愧預清流西風獨見江籬暮紅
葉還思苑樹秋多謝明公知賤節每貽清句緩
字愁

鄴中和崔邁著作

虛室凝愁厭夜眠長吟靜對欲涼天夢迴故國
人空遠望斷重城月自圓時泰未能拋組綬性

孤終是憶林泉明朝奉詔遐方去何處煙江寄
客舫

獨倚空樓畏景殘疑眸魂斷楚雲端猿清好雜
江聲聽山遠宜和霽色看鳥掠平蕪堪入畫風
來危檻欲生寒蕭蕭前浦歸帆靜落日長吟且
凭欄

漢上偶書

謫仙唐室遊茲郡花下聽歌醉眼迷今日漢江

煙樹靜更無人唱白銅堤

李白常有歌云日欲落峴山西遊客醉歸

花下迷鹿門小兒齊拍手
欄街爭唱白銅堤

春陵聞鴈

蕭蕭疎葉下長亭雲淡秋空一鴈經惟有北人

偏悵望孤城獨上倚樓聽

又

危欄秋盡偶來凭霜落秋山爽氣澄誰道衡陽

無鴈過數聲殘日下春陵

衡州有回鴈峯云鴈止于衡陽不得

贈魏野處士

人間名利走塵埃惟子高閑晦盛才款枕夜風

喧薜荔閉門春雨長莓苔詩題遠岫經年得僧

戀幽軒繼日來却恐明君徵隱逸溪雲誰得共

徘徊

忠愍公詩集卷中

七十四

忠愍公詩集卷中

